

東華續錄

乾隆二十九

臣王先謙敬編

臣周潤
論蕃恭校

乾隆十四年己巳春正月庚戌朔諭元旦天氣清朗旭日融和羣情欣豫定卜今歲如願經略大學士傅恆已底軍營除夕申廟接奏摺惟時朕已封筆此 皇祖 皇考成憲經歲惟此片刻之間

所奏揀員辦理糧運卽自行酌定朕於夜分封筆後亦未嘗稍閒也○辛亥諭軍機大臣等據經略大學士傅恆奏稱卡撒一路尤爲險要請親身督軍若與岳鍾琪共駐黨壩恐未免轉滋顧忌非其所願不若將此一路添調重兵專委岳鍾琪辦理等語經略大學士所見未免慮之太過朕前所降諭旨早爲籌及業經詳悉指示經略大學士接到自能領會朕再三裁酌地有平險勢有難易

與其致力卡撒邀不可必之功徒挫士氣究難進取不若經由黨
壩一路避奇險之堅礪乘可用之兵力尚可連獲勝陣殲醜執馘
以爲納降奏凱之地至岳鍾琪不免顧慮私情經略大學士至彼
開誠布公自能感動但既有此情形不若明降諭旨令其釋然於
中協力共濟於事更爲有益經略大學士宜體悉此意所有諭旨
一道著交經略大學士閱看於應發時卽行頒發俾岳鍾琪傅爾
丹一體遵照○諭大學士傅恆奉命經略軍營一切機宜悉聽調
度朕觀番境情形大兵自當徑由黨壩一路攻取著傳諭經略大
學士傅恆統領提督岳鍾琪督率官兵剋期進剿迅奏膚功其卡
撒一路亦屬緊要應酌分滿漢官兵數千交內大臣傅爾丹相機
辦理收犄角之效岳鍾琪等身膺軍旅重寄各宜累承節制協力
和衷共建殊勳以副委任○諭朕閱經略大學士傅恆屢次奏報

番境道路奇險軍行艱瘁朕知經略大學士乃自請督師之人所奏實不過十得其五然卽此而觀則人力之難施大槩可見從前訥親張廣泗若將此等情形據實入奏朕必早有裁酌何至勞費若此此固朕上年運度駭雜所致而蒙蔽之罪伊二人實已不容於誅矣且如天赦班欄等處羊腸鳥道備極險巇經略大學士惟躬親跋履乃深悉其難而訥親則肩輿牽挽鞭撻驕卒以爲笑樂宜其視若尋常耳但經略大學士密奏撲碉終非長策應另爲籌辦朕思賊番據險負隅凡屬要害俱有堅碉撲碉而外更有何計訥親張廣泗之罪實在欺蔽偷安種種乖張至於驅兵撲碉似未可以爲非朕前亦曾密諭欲令索倫兵善登山者潛繞賊碉之後攻其無備或竟攻其巢穴中堅使賊棄碉內顧惟此一策或尙可用然亦險著未知果能奏效否况據稱大金川地方處處俱有碉



慢可見番境築碕自古爲然此乃天造地設以爲羣會窟穴卽得其地亦不能盡行毀徹經略大學士昨在小金川暫駐籌辦未知所籌辦者若何又有底營通盤籌辦妥協然後進取之奏經略大學士意中欲作何籌辦附便詳悉奏聞至稱小金川番人迎接時其恭順不及瓦寺沃日朕思瓦寺沃日與內地切近向化是其本心小金川較遠原係化外蓋亦天然界限所以古稱蠻夷荒服以不治治之經略大學士留兵在彼彈壓想確有所見不專爲米糧火藥也此事屢經貽誤從前馬良柱連有克捷若益以三千人早可奏功而張廣泗不與此一誤也張廣泗分兵十路措之乖方不能乘機前進此二誤也訥親身圖安逸不能鼓勵士衆又不將實情入告此三誤也用兵何事經此三誤賊會轉多三番抵禦又不知增置堅碕若干更難措手經略大學士昨奏比初辦更費事之

語甚是朕在數千里外固不能豫燭其難是以又有此番料理經略大學士未履其地亦無由深知其難是以力請視師今朕已洞悉形勢決意收局經略大學士目擊身親所見甯不相同朕前調遣滿兵本欲一舉制勝邇來揆理度勢前所諭四月初旬之期更不可再有游移計大兵全數抵營尚不出二月有暮春而月之功自可奏王師三捷之效經略大學士奏稱俟至四月容臣奏到然後頒發班師諭旨朕已於前諭詳示至三月杪四月初如十分得其七八自當毋惜一簣之勞若僅得其半卽宜於威武振揚之時納降順撫善圖竣事迨各營整隊分撤以次徐行辦理亦須經月已在仲夏暑雨之時矣至前諭分設五弁駐守勒烏圍刮耳崖若三月內果得勒烏圍刮耳崖尚須斟酌若不能則但以萬人令岳鍾琪坐鎮爐地防禦自足綏輯蠻徼朕熟計深思無逾於此再經



略大學士所奏岳鍾琪具稟一摺深中肯綮三所帶第二起官兵遲滯不前雖已行文督催究不知何日抵營各起滿兵於何時全到彼中形勢窄狹難容多人滿兵若已敷用卽可及時進討其遠地如雲南甘肅之兵應計其能於二月內到齊與否若能到催其速到未到者俱應照湖廣之例速檄停止縱中途遣回較之緩不及事徒勞往返者尙可少節糜費著傳諭經略大學士傳恆及尙書舒赫德知之○壬子諭軍機大臣等今日新正令辰恭迎皇太后聖母慶典內廷春讌仰蒙 慈諭經略大學士傳恆忠誠任事爲國家實力宜猷皇帝宜加恩錫封彼以公爵以旌勤勞欽承 恩訓深愜朕心但封公之旨應俟奏捷到日頒發著先行傳諭俾知 聖母厚恩在經略大學士素志謙沖必將具摺懇辭此斷可不必經畧大學士此番出力實爲國家生色朝廷錫命褒庸

止論其人之能稱與否豈必犁庭執馘方足稱功卽如大學士鄂爾泰張廷玉亦因其勤慎翊贊封爵酬庸何嘗有汗馬勞耶若經略大學士因有此恩旨感激思奮不顧艱險必期圖所難成抑或避居功之名必欲盡埽蠻氛生擒渠首方馳露布而凡有克捷槩不具報皆非朕所望於經略大學士者經略大學士卽不具奏舒赫德亦應一一據實奏報總之馳報軍情宜於頻速必朝夕相聞瞭如目覩方足慰朕懸切朕前諭四月初旬爲期乃再三審度更無游移用兵原非易事何可違人意以違天意耶經略大學士試思在京辦事之時識見才力視朕何如今朕意已定自當遵旨而行况經略大學士卽能成功亦皆衆人之功朕降此旨所以擴充經略大學士之識量使盡化一己功名之見耳一切機宜連日所降諭旨俱已備悉惟望經略大學士仰體 慈懷欽承渥澤諸凡



從長妥辦俾國家軍民均有裨益朕實幸焉○諭今日閱班第所奏川省夫馬錢糧拮据之狀及舒赫德所奏直隸山陝一帶地方情形朕心深爲追悔不知上年何以辦理至此豈非前諭所謂命運使然者耶然總因從前在事諸臣並無一人據實入告朕實不知其難卽經略大學士傅恆在朕前時亦不知其難近經朕悉心訪問經略大學士又身履番境班第等亦稍稍數陳朕始悉其險阻困憊舉屬創聞非意料所及若不早爲轉計日引月長勞費無已非惟川省民力難支卽沿途各省半屬邊境騷動可虞而部庫帑項亦將不繼國家亦無爲蠻獫一偶耗竭物力不復顧惜內地之理況此種番蠻乃伊古以來所有上天並育並生原置之化外聽其涵衍卯息豈能草薶禽獮盡絕種類亦豈能法繩禮縛悉就羈縻若必以中國之治治之是以人力而抗天心也夫理之所在

臣不能違君子不能違父人顧可違天乎天不可違則成功豈能
豫必朕目前實不敢存盼望成功之意矣經略大學士抵軍相機
籌度滿兵務催令到齊遵朕前諭直趨黨壩以肅三月杪四月初
旬之期若能攻克勒烏圍擒取賊首固所深望而不敢必之事縱
稍遲旬日勢難中棄不然督率士卒摧鋒前進或連得勝陣俾其
震懼乞命因而撫之亦足收局夫以岳鍾琪所將士兵數千鼓舞
驅策尙能奪地殲醜況經略大學士親提軍旅信賞必罰其取勝
自在意中以地利言之黨壩去賊巢較近地勢稍寬而卡撒堅礮
林立且係前此失利之處若因避岳鍾琪分功之嫌而以任難赴
險爲勇設令頓刃懸巖軍威少挫將何以爲班師之地於此事究
復何濟是以朕熟思審處計無逾此經略大學士躬在行間深籌
勝算卽有奇謀異策亦當無逾於此在經略大學士忠勇奮發立

志滅賊非犁庭執馘無以快意但自朕思之亦何必爲其已甚此
番自出都以及抵軍夙夜勤勞心堅金石籌辦庶務明敏周詳已
足爲國家宣力爲朝廷增色詎待縶莎羅奔郎卡之首獻俘闕下
方可稱功耶至班第卓爾奏稱努三所帶第一起滿兵於正月
中旬可到軍營官兵行走原定五百一起五日全行今可趨爲四
日以五千七百人計之按站計程須得五十日是各起滿兵到齊
卽毫無阻滯亦必在二月半以後其綠旗兵又須在滿兵之後非
五六月不能到齊若必俟到齊則遷延時日轉盼逾期虛費糧
誠屬無益今旣已定期四月初旬則此等綠旗未到之兵如三月
半不能到者卽應檄停是以昨諭舒赫德令將雲南甘肅之兵計
算日期酌量停止但事難遙度如軍前仍有需用經略大學士卽
知會舒赫德班第令其遵照調遣不必拘泥究之事有難爲功有難

就兵亦人耳以之撲礮徒致傷生豈遽得志而賊之要害俱築堅礮舍此又未必有良策之可施則綠旗官兵之用否正宜斟酌毋謂調遣已至中途前功可惜遂遷就之也○命山東巡撫備造

周公廟及四氏先賢廟祭器○癸丑諭大學士伯張廷玉 三廟

舊臣襄贊宜猷敬慎夙著朕加屢曲體降旨令其不必向早入朝而大學士日值內廷寒暑罔開今年幾八表於承旨時朕見其容貌少覺清減深爲不忍夫以尊彝重器先代所傳尙當珍惜愛護況大學士自 皇考時倚任綸扉歷有年所朕御極以來弼亮寅恭久遠一致乃勤勞宣力之大臣福履所鍾允爲國家祥瑞但恭奉 遺詔配享 太廟予告歸里誼所不可考之史冊如宋文彥博十日一至都堂議事節勞優老古有成謨大學士紹休世緒生長京邸今子孫繞膝良足娛情原不必以林泉爲樂也著於四五

日一至內廷以備顧問城內郊外皆有賜第可隨意安居從容几杖頤養天和長承渥澤副朕眷待耆俊之意且使中外大臣共知國家優崇元老恩禮兼隆而臣子無可已之日自應鞠躬盡瘁以受殊恩俾有所勸勉亦知安心盡職○丙辰諭經略大學士傅恆奏報小金川土舍良爾吉漏洩軍機茂兄奸嫂罪惡貫盈已於十二月十一日在軍門梟示土婦阿扣於二十二日在美諾正法梟首傳示漢奸王秋率赴卡撒俟審明處以極刑其二子亦俱即日伏法等語前據張廣泗力言良爾吉王秋不可動動恐致滋事且於拏問時向鄂實稱侍衛此行我止謂來辦良爾吉之事此事斷不可辦如欲殺良爾吉阿扣王秋非先殺督臣不能張廣泗之始終庇護良爾吉等如此卽軍前諸人皆明知其罪而疑畏不敢先發今經略大學士傅恆甫至軍營卽不動聲色取兩年逋寇如檻

豚圈豕以快人心而做番衆非謀猷明斷識力堅定曷克臻此卽此已當優敘但經略大學士傅恆於從前議敘之旨見在具摺懇辭若此仍交部議敘無以善全沖挹之美且前因出口步行勤勞過甚所賜雙眼孔雀翎想接到時亦必謙讓未戴今卽以爲經略大學士此番酬庸之典如仍執意謙讓是乃不遵朕旨達爾黨阿舒赫德亦必力勸方是至王秋以王者師王者賓名其二子此卽與邪逆夏如春等無異漢奸心懷不軌造言生事大率類是各省督撫平日必當留心凡涉此等名目卽係叵測之徒卽應嚴行查察究處不可視爲泛常著通行傳諭知之○諭軍機大臣等經略大學士傅恆所奏辦理良爾吉阿扣寺一事不動聲色使奸黨卽日伏法殊足爲快此數人皆賊曾心腹今旣翦除彼必膽落而羣賊咸知震摺誠爲蕩寇先聲但伊等究係內地所派領兵助勦之

人就縛尙易然亦幾經籌畫加意戒嚴始得執而戮之未可因此而輕視莎羅奔郎卡聖人云臨事而懼好謀而成軍務一切防範務宜嚴密持重若謂此卽擒滅賊酋之左券朕實未敢自許也經略大學士所奏俟四月底奏到請旨班師此言非是以程站計之奏摺往來定須月如四月底具奏則軍營奉到諭旨已是五月之杪經略大學士還朝當在六月以後各路滿漢官兵陸續回營近者在六七月遠者在八九月其間勞費豈可計算目下補兵甫經抵營自無遽行遣回之理如四月初果能圍困賊巢成功雖非但夕可畢而旣已有可指望卽延至四月底五月初尙不爲過不然或得一二陣連勝俾賊酋窮蹙乞命卽可因勢納降尙不失爲識時務之俊傑否則日引月長帑項何能爲繼戶部每年所入及從前動撥軍餉經略大學士素所深悉今部帑動撥旣多外省不

敷協濟已動及留備不得已而開捐爲一切權宜之計籌辦至此具有苦心而經略大學士所奏臺站添派綠旗兵丁侍衛官弁等拴喂馬匹芻糧供億實屬浩穰即使成功迅速而奏凱言還諸路官兵陸續退撤馬匹陸續回營途次支應不減去時有限之儲蓄何以供無窮之耗費此四月初旬之論朕展轉思之計誠無易於此再亦無可游移況川省連年困於徵發民力實勞憊不支見據班第奏瀘州道署前有印信硃標告示一張皆大逆不道之言等語此等奸棍藉端搖惑在他省如夏如春等類亦所常有雖旋即伏法不足爲害而地方究宜安靜川省軍興旁午民苦勞役奸民易於煽動內地深爲可虞經略大學士傳恆躬履其境必已洞悉情形看來去年此番辦理竟是錯誤朕今實悔之止因辦理至此勢難中止不得不趁此兵力以儉倖萬一成功然亦所謂節非文

過之舉耳若去歲秋冬之間但將訥親張麟泗二人治罪以萬人授岳鍾琪駐守打箭爐不作此番調遣內地小民尚可早爲甯息亦不至費今日如許籌慮矣內地民力亟宜顧恤不可不思患豫防又班滾一事屢諭不必辦理蓋係已結之案卽金川事竣亦無庸置問若一經查辦至速亦須旬日所費又將不貲何必增此葛藤况前次傅爾丹奏羅於朝與革松結商通俄木丁誘致班滾在彼時或萬一可望今見良爾吉伏法彼亦具有知覺豈敢復以身試其必不能誘致可知羅於朝之罪尙不至於軍法從事伊係內地將弁仍應遵旨拏解來京交部定議以結塵案朕於此事西顧懸注日夕焦勞此次於亥時接到經略大學士奏摺辦理已過三鼓良以經略大學士勤勞於外朕中宵高枕心實有所不忍耳可傳諭經略大學士並舒赫德知之○丁巳諭向來命將出師必有

參贊此定例也今經略大學士傅恆奉命督師內大臣傅爾丹尙書達爾黨阿舒赫德總督尹繼善策楞俱著參贊軍務經略大學士傅恆調度一切機宜和衷採納務期籌畫萬全於軍旅實有裨益尹繼善策楞未能在任著傳諭巡撫陳宏謀署撫班第於地方一切事宜前臺站供億留心查辦○諭軍機大臣等番境之難乃天生奇險以爲鼠輩窟穴自朕度之此事實應早爲轉計從前

聖祖仁皇帝三征沙漠究未親擒噶爾丹是時諸將無不銳意俘馘聖祖仁皇帝因輓運糧遲不得已下詔班師其事載在方略因命鈔出寄看夫以皇祖之神明英武當時文武大臣之智謀勇略滿兵之驍健果銳尙不能得志於平坦之沙漠卷旆而還豈非限於地遠勢有所不能乎今經略大學士自問一己之韜鈴若何同行參贊諸人之籌策若何滿兵之力糧若何顧欲強其所不